

ІВАН ДЗЯАДИК
ЛУКА ВОЗНЯК

Іринко – МЫ з Тобом!



Під таким наголовком в „Бесіді“ нр 2 з 2007 р. были поміщені два дописы, в котрых представлено трагедию діячки Стіваришыня Лемків і бывшой членкыні Ансамблю Пісні і Танця „Кычера“ – Ірины Михалык з дому Мацейовской. Про трагедию Іринкы інформувал тіж „Przegląd Prawosławny“ в нр. 3 з 2007р. і 4 з 2007 р. та інчы льокальны газеты.

Треба припомнути, же Іринка 12 серпня 2006 р. в часі забавы зо своїм сыном Михасьом зробила нагли енергійний рух головом і – стало ся! Стратила владу і чутя в руках і ногах і тепер терпит фізичні і психічні.

Іринка перешла скомплікувану операцию хырбета а потім піддала ся інтенсивній реабілітації в спеціалістычных шпыталях і осередках реабілітаційных в Полшчы. В серпни, а потім в жолтни 2008 р. перебувала в Клініці Ласеропунктуры (La Chapelle Montlinard) во Франції.

З тых выїздів до Франції Іринка ест задоволенна, бо лікуваня, а потім перепроваджены баданя – тесты в порівнаню з попередніма потвердили, же Іринка має міцнійше поверховне чутя в тілі. Доктор дає надію, же по наступных побытах в Клініці чутя буде што раз міцнійше і буде могла выконувати більше рухів, але до осягніня полной фізичной справности іщы далеко. Пациенты, якы приїзджают до Клінікы з ріжных сторін сьвіта потверджают, же каждая наступна сесия ласеропунктуры приносит поправу здоровья.

Каждий такой выїзд до Франції – а буде іх іщы дуже – як і штоденна реабілітація на місци, коштуе. А як долго треба буде провадити реабілітацію – трудно гнеска повісти. Тоты дотеперішні лікуваня і реабілітації могли ся одбыти завдякы фінансовій помочы, котра походила з:

– концерту зорганізуваного през Ансамбль Пісні і Танця „Кычера“ в лютым 2007 рока.
– жертв учасників Лемківской Ватры на Чужыні, в Михалові в серпни 2007 і 2008 р.

– концертів коляд зорганізуваных в грудни 2007 р. през православны парафії в Лігници і Рудній.

– колядуваня молодіжного хору Вроцлавско-Щеціньской Єпархії „Благодар“ – січен-лютий 2008 р.

– жертвы парафіян православных парафій в Глогові і Студзьонках.

– концерту зорганізуваного през Об'єднання Українців – Кружка в Любіні – вересен 2008 р.

– Римокатолицкой Парафії Успіня Пресвятой Богородиці в Глогові.

– жертв Ансамблю Korollerien ar vro з Франції, котрий в 1993 р. концертувал на Ватрі в Михалові.

– Не спосіб вырахувати з імена і назвиска вшыткых, котры попрез учас в харитативных акциях як і през особисты вплаты на конто помогли мі покрьгты кошты реабілітації – повідат Іринка.

З цілого серця Іринка дякуе – родині, численым приятелям, особам близкым і дальшым, вшыткым людям доброй волі і отвореного серця, вражливим на терпіня ближнього, людям о богатій душы і шыроком інтелекті, котры в трудній ситуації пришли з помочом.

Іринка дякуе за дотеперішню поміч і просит о дальшу. Коли придут Різдвяны Свята, коли в Святий Вечер сядеме до стола – подумайме о тым, же сут доокола нас люде котры потрібуют помочы. Зложме під яличку подарунок для Іринкы.



Поміч мож пересылати на адрес:

**Stowarzyszenie Pomocy Oobom Niepełnosprawnym Tetrusek, rachunek bankowy:
88 2130 0004 2001 0456 3391 0001**

Даровизну мож одрахувати собі од доходу при річным розрахуваню податку.

Другій спосіб помочы то презначыня в річным розрахуваню 1% податку для:

Stowarzyszenie Pomocy Oobom Niepełnosprawnym Tetrusek – з дописком: dla Irena KRS 0000304472

Більше інформацій про ситуацію Іринкы і можливости помочы мож найти на інтернетовій сторони: www.irena.legnica.pl і wypadek at Tetrusek.

Поможме Ірині!!!